

承啟堂稿

海石先生文集卷之一

海鹽錢薇懋垣著

門人嚴從簡纂集

許聞造校正

五言古詩

和此日不再得韻

宇宙有變化轉移成滄桑
達人慎所趨七尺叅穹蒼
嗟彼向學儔胡不惜流光
寸心何窮際長養同初陽
斯文啓洙泗入德良有方
進修貴定慮曷不

辯毫芒名利苟係念豈知敬義臧中心一以蕩善
端能無戕卓哉負荷身棄擲等秕糠所以豪傑姿
內省密退藏韋編漱餘潤循循采幽芳守玄恥白
炫存舌戒齒剛俛仰千古時攬衣起徬徨大道常
坦坦發軔塗何長局促寸步間何能赴康莊志堅
力可副養盛光自彰但惜蟬蛸生競趨荆棘場能
無迴俗轍免墮觸藩羊仰思夜繼日耿耿不能忘
譬乘萬斛舟凌風在堅強江海渺無際一朝駕長
航負荷媿弱質涵養須有常屏居秦溪曲時日漸

奔亡欲揮魯陽戈返馭重感傷人性具聖體吾言
匪云狂

送周石崖之任永嘉

聖王起湖湘鍾瑞多奇士周君成棧樸逸駕不可
馭胸中燦五采會此從龍際奮跡公車業傑然誰
可配職當補綵綸奚微賈與史君氣如長虹握符
永嘉去永嘉東南邑民淳俗亦軌君行且若何鳴
琴清風裏時携謝公屐問俗徧山汜還古葛天世
興此明王理周南棠正青河陽花如綺浮雲自升

沉令名從此始悵然悲送君對酒咽不語努力試
所蘊竹帛存千祀

答徐波石少叅

詭是人中龍徐君莫可測釋褐金閨彥彈冠司太
乙應物精不分神藏氣自逸歷覽參藩岳悠然調
化瑟太虛相與游乾坤作我室芝宇暫相對藹藹
情何極我歸東海耕學種陶潛秫放屐隨春風汎
舟弄清濤偃息蓬牕下希夷自爲適臨風得芳訊
宛若覩顏色知君同道氣相期無虛日忽忽忘我

答兩地各努力頽然落芬華聊返太始質

送陳子與之新會

攜手北闕下告我之羊城河隄折柳條贈別難爲
情脂車官道傍日落西山明雙旌拂雲漢白馬絡
長纓之子命百里吾道何崢嶸誰謂今非古德綏
均蒼生敷政貴宜俗御物憑真誠無爲巧鉤距烜
赫空負名羅浮挿天表對之時鳴琴一爲白雪歌
炎海塵氛清終看奮雙翮秉策游承明

贈周澱山年兄

澗湖有君子高懷絕人識相逢當綺年契慕推同
籍九陌車馬零萍散江湖隔偶登先月樓得共停
雲席念昔握手歡相對各歎息升沉吾何有所悲
壯志失得偶東海耕棲遁了自適君抱匡時才夫
乃淹月日欣茲東林遇因得欸疇昔朝曦動清曉
起看浮雲白過從遂初懷倚徙濂溪室朱顏不可
待勸駕舒籌策脫穎在茲辰我歸理瑤瑟

南陵喜得吏部兄刑部弟信

塞北傳書鴈飛集遊子途相逢授雙帛兄弟總如

初出共朝天騎歸同深巷居庭前棠樹綠花萼正
芳敷潤別乍相聞歡懷疴欲除翻疑萬里役離思
正愁予

永福寫感

羣山環周遭一水自停泓坤輿迴盤礴秀拔由天
成東障桂林郡南屏邕管城材官相森羅汗馬嘶
秋雲禦剽逞刀斧城頭殷旆旌日暮風塵暗衝飈
聞血腥怪茲山水區而乏絃誦聲興起在教化撫
循亮由人干戈豈難變南國本文明願言解刀劒

母負此鍾靈

書咸寧壁

咸寧本雄邑僻在萬山中
淳類葛天民猶存太古
風束帶一間俗胥徒紛蒙茸
停午散鳴騶岑寂疑
鴻濛深院坐炎歊
簷宇飄涼風忽聞林間鶴飛嘯
凌雲空清池吐朱華
閒庭搖翠松宦遊無定跡寥
廓難爲逢

承天道中思家因代爲家寄促歸之作共得

十有三章

遠遊在何時去見春陽暉素雪忽已紛未謝風塵
歸寧知倚廬望爲子成寒衣

遠遊在何方五嶺與三湘相去隔萬里夢子牽衣
裳勿讀岵岵詩試看春鴈翔

遠遊爲何事王命被行役豈不畏簡書高堂望歸
翮南荒瘴癘多勉旃無久客

右擬親寄三章章六句

浮雲何層層忽隨飄風遠顧此百粵游手持三尺
憲辛苦當勿辭聊爲夢中見

地列古炎州南徼鶉火阪顧爾捧黃麻驅馳逾九
秋蚤暮勤周諮遐方鬯王猷

日月屢晦朔氣候倏已旋俯仰同一瞬胡爲滯遐
天簿書貴早決舞綵怡椿萱

右擬兄寄三章章六句

驪駒馳兩春念君萬里身題箋寄飛鴈鴈飛復歸
秦況君衡陽南鴈書致無因

驪駒馳兩夏念君在炎方新裁白團扇欲寄誰爲
將薰風從南來君應先得涼

驪駒馳兩秋念君數登樓忽見樓頭月輝輝度女
牛君心光皎如應照深閨幽

驪駒馳兩冬念君衣未縫每見霜雪紛不改松栢
容君心秉歲寒願如栢與松

右擬內寄四章章六句

休休王父母竝壽逾稀年當餐憶遠征意與飛雲
牽君爲簪紱羈還念萊衣旋

我母苦多疾奉饋甘辛勤凌晨起縫紉不得須臾
寧忽聽河洲鳥諧鳴在園樵

兒女俱穉齡念父空秋春相望久河潯恨無雙飛
翎日夕占燈鵲旋軫當勿停

右擬兒寄三章章六句

書大荆驛

朝策湘陰騎蒼茫江樹煙脩途力不任停驂古道
邊秋露泣寒螢空山響哀猿鷄鳴復登車仰見星
斗懸王事亦靡盬倭遲亮當然不聞王子籲驅馬
九折泉

孝感縣

雲夢一丸地停車孝感城煙火僅百堵旦夕聞江
聲旱澇相交加荆扉已頽傾不毛同塞北苦賦愁
繁征村樹寒雲結沙洲羣鳥橫傷哉鴻鴈咏誰是
勞來人

望君山

高峯鬱嵯峨矗矗難躋攀我來岳陽城竚望開心
顏水光天浩淼岑勢石巉巖藉此柱中流庶以迴
狂瀾嗟哉三楚俗未消詛盟頑地若設此險母令
滋纏綿持節皇華使祛鄙醇可還鑒此峻拔姿啓

我回幹權芳風在漸染誰令功不刊

清明日寓潯州寄邢侍御

東望銅鼓灘西臨斷藤峽停驂潯水上聊酬禁煙
節與子共王事笑語每隔越長吟看雲飛舞劍更
杯酌嶺粵天一涯旦暮聊自適寄語柱下史此時
意何若

辰溪觀石鐘鼓

溯流上辰溪舴艋驚迴湍急雨狂飈後停驂古縣
邊空庭白鳥過蒼嶺暝雲還已聞鐘鼓洞未扣鬱

藍天凌晨出山郭旭日明層巔嘉樹競展媚空翠
互盤旋冠裳苦拘束玩賞欣躋攀笑語恣探討步
武窮幽玄蠻方擅茲勝造化若爲偏

過慈利賀令乞詩題壁

山勢重霄迥遙瞻僅翠微澗瀑轟霆起谿雲逐日
飛綺霞開匹錦繡嶺展脩旂燕子巖名古慈風洞
石欹幻出芙蓉秀高將泰岱齊我已山行慣旋來
楚服西但知探勝賞曾無履險危知章有佳興題
柱屬游羈

書孫黃驛

驅車涉初秋作客已萬里山霖苦偏多飛帆一何
駛驚風常颯颯低枝覺靡靡欲穿五開雲先汎九
谿艤王事屬鞅掌病軀念料理但愁溽暑迫捲簾
看急雨

題三浯水

得到浯溪流遙瞻牛耳嶺綵雲常覆護清泚自涵
映地靈頗鍾異冬溫夏復冷滄海一潮汐此水三
旋軫消盈從何始終古竟不柰旅人藉甘飲居民